

Nyakyusa - Ubupoki Bakalata - Salvation Scriptures

BaEfesi 2:2 Pakabalilo kala aka ijolo m̄ylinkwenda ukulukōnga ulwendo ulub̄ib̄i ulwa nk̄isu iki, m̄ylinkunt̄ila unndagil̄i gwa maka ga m̄umpālānga, mbepo uju lilino nndagil̄i gwa bāndu aba bat̄ikunt̄ila Kyala.

Mataj 6:10 Ikitangālala kyako k̄isege, is̄i gw̄iganile ugwe syo s̄ibōmbigwege na pāsi apa bo kumwanya.

Luka 22:42 Gwe Tāta, linga gw̄iganile sokesyako une if̄inga ja lutamyo. Lol̄i komma kubwigane bwangu, lol̄i is̄i gw̄iganile ugwe syo s̄ibōmbigwege.

Johan̄i 16:7-9 Lol̄i nikubabūla isya nalol̄i une n̄ikuti: S̄ikujaga n̄unu kumyin̄u linga une ngubūka; namanga linga ndikubūka, Untūli at̄isakw̄isa kumyin̄u, lol̄i linga ngubūka, n̄isakuntumaga kumyin̄u. 8 Lelo umwene bo is̄ile, isakubatobesyaga abāndu ba nk̄isu ukuti basobile panōngwa ja mb̄ib̄i, ubugolof̄ nubulōngi bwa Kyala. 9 Basobile panōngwa ja mb̄ib̄i papo bakānyitika une;

2 Timot̄i 2:10 Po apa n̄ikuf̄isa ilyojo m̄uli syosa panōngwa ja basalīgwa, ukuti bope babwagege ubupokīgwa ubu buli mwa Kilisit̄i Jes̄u, pamopēne nubukulūmba ubus̄itakumalika s̄iku.

BaLōma 15:20,21 ukwijūla kwangu bwila kwali kokulūmbilila īndumi In̄unu pōsa jtolo apa īngam̄u ja Kilisit̄i jakāli ukupilikīgwa, ukuti nangajakujēngaga palwalo ulu ālīsyē um̄ndu ujūngi, 21 ukukōnga bo ili lis̄imb̄igwe ili likuti: Bisakus̄bonaga aba bakabūlīgwamo s̄iku īnōngwa syake, kangi bisakusyagan̄aga aba bakapilikamo s̄iku īnōngwa syake.

Imbōmbo Sya Batumīgwa 2:36,37 Po papo lelo īnyūmba jōsa ja Is̄ilael̄i bamanyege kis̄ita kwilāmwa ukuti Jes̄u uju umwe mwalinkom̄ile pakikohekano, jo uju Kyala ampelile ukuja NTWA, kangi ukuja jo Kilisit̄i. 37 Lelo abāndu bo bapilīke sis̄isi, po papo s̄ilinkubalasa m̄undūmbula, balinkummbūla Peteli na batumīgwa abanjne balinkuti: Mwe bāmyitu, po tubōmbēge f̄ik̄?

BaH̄ibul̄i 4:2 Namanga nanuswe īndūm̄i īn̄unu jilūmbilīgwe kumyitu kifwene kuli bo balabala abāndu ba ijolo. Lol̄i abēne il̄isyu ili bālipilīke likābabūmbul̄ile naf̄imo, papo likālyongēne nulw̄itiko m̄uli aba bālipilikaga.

Jelemija 24:7 N̄isakubapaga īndūmbula ja kusyagan̄a ukuti une joune ne NTWA; abēne bisakujaga bāndu bāndu, une n̄isakujaga ne Kyala gwabo, papo bisakugomokelaga kumyangu nindūmbula jabo jōsa.

İmbōmbo Sya Batumigwa 16:14 Po papo unkīkulu jumo uju āli jo Lītja īngamū umūlisi gwa myenda imīlāngali (imifubīfū), Ugwa nkāja ka Tyatīla, uju antīlaga Kyala, jo alinkupilikisya jo uju UNTWA ālimmwīgwile īndūmbūla ukusipilikisya isi ājobaga Pauli.

Mataj 13:14,15 Bunobuno lelo isi āsolwile Jesaja unkūngūluka sīkubabala abēne, apa ātigi: Abāndu aba bīsakupilikaga, lolī batīsakusyaganjaga; Ukukēta bīsakukētaga lolī batīsakusībonaga; 15 Namanga īndūmbūla syabo sīto, īmbulukutu syabo sīsīndīle sītīkupilikā, Basīsīlīle amāso gābo ukuti bangakētaga, Bangapilikaga nimbulukutu syabo, bangasyaganjaga na mahala gābo, bangapīndukaga, bo īkuja UNTWA, ukuti nangababūmbulusyaga.

Jesaja 6:9,10 Alinkujoba alinkuti: Būka ukajobege kubāndu aba ukatigi: Mūkupilikaga, lolī lelo mūtīkusyaganjaga, mukukētaga, lolī lelo mutikusībonaga. 10 UNTWA alinkumbūla alinkuti: Usīpelelege ubukafū īndūmbūla sya bāndu aba, usīpelelege sīto imbulukutu syabo, ugapupāsyē amāso gābo ukuti bangisakukētaga namāso gābo, ābangisakupilikaga nimbulukutu syabo kangī bangisakusyaganjaga nindūmbūla syabo po bende nukugomoka kangī bende nukupona.

Malika 4:11,12 Umwene alinkubabūla alinkuti: Umwe mūpēgīgwe ukusīmanya isya kubutītu isya butwa bwa Kyala, lolī kuli bala bali pānja, abēne syosa ītolo sīli mfīfwānīkisyo, 12 ukuti, ukukēta ko bīkukēta, lolī batīkusībonaga, ukupilikā ko bīkupilikā, lolī bātīkusyaganjaga; ukuti bāngisakupīndukaga nukuswegīgwa.

Johanī 12:39,40 Fyobene bakābagīle ukwītika, papo Jesaja ājobīle kangī ātīle: 40 Kyala abapūpēsyē amāso gābo, asīpelīle ngafū īndūmbūla syabo, ukuti bangisakukētaga namāso gābo, bangisakusyaganjaga mūndūmbūla syabo, ukuti bāngisakupīndukaga, nangisakubabūmmibulusyaga.

BaLōma 11:7,8 Bule lelo? Isīlāelī apōndīlwē ukukaba ifī āfīlōndaga. Abasalīgwa bāfyagile, lolī abāngi bōsa balinkwipela bāmapuli kulubilikilo Iwa Kyala. 8 Bo apa kalata īkujoba īkuti: Kyala abalūlēsyē, abapelīle ukuti amāso gābo gangakētaga, īmbulukutu sīngapilikaga, mpaka umūsyugu.

2 BaTesalonīkī 2:10,11 ababōmbelege ubusyobi bwa luko lōsa aba bīsakufwaga. Bīsakufwaga papo bakālwambilīle ulugano nisyanaloli ukuti bapokīgwege. 11 Bunobuno lelo Kyala īkubatumila amaka amapela kusoba agākubapelela ukusītika isyabutūngulu ukuja syanalolī:

Mataj 13:18-23 Amūpilikisyege lelo ikfiwanīkisyo kya nsopambejū. 19 Aba bīkupilikā ilisyu lya kitāngālala lolī batīkulyaganjā, bo aba īndūmbūla

syabo sifwene bo injila iji jagwilemo īmbejū. Unndugu alinkwīsa alinkusala īmbejū (ilīsyu) iji jasopīgwe mmyabo. 20 īmbejū iji jagwile mmabwe bo aba bikupilika ilīsyu bīkulyambilila nakalīnga ītolo nulusekelo. 21 Lolī litikwīngila fījo mmyabo, batikukābila nalyo. Bo bwīsile ubutolwe pamo ukufwimīgwa kunōngwa ja īsyu, batikuhāba ukujēta. 22 īmbejū iji jagwile mmīfwa bo aba bikupilika ilīsyu, lolī ukwīkolānja ni sya nkīsu nubusyobi bwa bukabi fīkupātila ubujo bwa īsyu, batikupa īseke nasīmo. 23 Iji jagwaga mūmfū unnuṇu bo aba bikupilika ilīsyu, bīkulyaganja bikupa nīseke, bamo bikupa mīa jumo, bamo amalōngo ntandatu, abāngi amalōngo matatu.

2 BaKolintī 3:15,16 Ena, ukufīka kulilino kuno, apa linga ululagilo lwa Mose lūkubalīgwa, amahala gābo gīkufwana gakupikilīgwe nikitambāla. 16 Lolī apa linga jumo īkusānūkila ku NTWA, po aka kīkukupīkila kala kīkusōsīgwapo.

Jesaja 30:28 umūjī gwake gulīti kīsi aka kīswile kafīkile mmakosī; ukuti kafīpētege ifīkolo nulupētelo lwa lupyūto, kangi ulukoba ulu lukusofanā ālukujaga mūngego sya bāndu.

Osija 11:3-7 Lolī nāli jo une ne nālimmanyīsye Efulajmū ukwenda, nābēgile mmaboko gangu; lolī abēne bakamēnye ukuti jo une nabaponisye. 4 Nābalusīle kumyangu nikibabilisī kangi nulugano, une jo une nābīnwile ukuti mwana kangi nāli ndinkubīnamīla pāsi pakubaswila. 5 Bakābagīle ukuti bagomokelege kw'Egīpitī lolī panōngwa ja kusītakuti ndaga kwake, lilino po īkulagilīgwa. 6 Ulūbo ālukupyūtaga utwaja twabo, ālukutumūlanjaga īsāmbo sya fīpata fyabo, ālunkubapyūtaga panōngwa ja mbībī syābo bābo. 7 Abāndu bangu papo ifītwalo būmīlīle kukūsāmbukila bīkukūta, po apa bīlikilīgwe, najumo atīkufisōsyangapo pamakosī pamyabo.

īmbōmbo Sya Batumīgwa 26:18 ukuti ukabīgulege amāso gābo, ko kuti basōkengeko kūngīsī, bīsege ndumulī; basōkeko kubutwa bwa Setano, bīsege kwa Kyala; nukuti bo bītīke bāmbililege ubuswe bwa nōngwa, nikilīngo nkāti mūli aba bīpelīle bīkemo ndwītiko ulu luli mmyangu.

2 Tīmotī 2:24-26 Umwene lolī ummbōmbī gwa NTWA jo fīkuti angalwaga, nabanjne lolī ajege mōlōlo kubāndu bōsa, ajege mmanyīsī unnuṇu, ajege mfīsalyojo kumbūbī syosa isī abāndu bīkummbōmbela. 25 Abā bakīndēne nagwe, bo abagolosyege mbutēngamōjo ītolo; ukuti pamo Kyala abapege ulupīnduko, babumanyege ubwanalolī, 26 po ukuti bījaganjege bēndege nukupona ndutāmbo lwa Setano, uju abakolīle ukuti babōmbēge ubwigane bwake.

Ulusetulilo 3:17-19 Ugwe kwijoba kuti: Une ndi nkabī, nngapondwa nafīmo, fīkajapo ifī mfūmbilwe. Lolī ukībona ukuja gwe nnjwelufū, gwe

mpelakisa, gwe nndōndo, gwe mfwamaso kangi gwe uli bufūla! 18 Ngukusoka ukuti gūle sahabu kumyangu, sahabu uju ēngusīgwe mwitēnde lya mōto ko kuti gwipelege nkabī naloli. Kangi gūlege imyenda gya kufwala ukuti gibusigege ubufūla bwako bwa sonj. Gūlege ni mbōndanja ja kwipaka mmaso ukuti ukētege. 19 Une ngubasoka nukubafūnda bōsa aba mbaganile. Gwijulege lelo upīndukege.

2 BaKolinti 7:10 Namanga ubusulumanje bwa mwa Kyala bükupela ulupīnduko, ulu lukturwala ubupoki, ulu najumo atikululumanikisia; ubwene lolj ubusulumanje bwa nkisu, bükupela ubufwe.

1 Abanyafyale 18:37 Ulinyāmulaga gwe NTWA, ulinyitikaga, abāndu aba ukuti bakumanyege gwe NTWA ukuja gwe Kyala jujugwe po papo, po ukuti ubapīndulege indūmbula syabo.

2 BaKolinti 4:4 Bo aba lyakyala ilya nkīsu kikīki lisipūpēsyē īnyinogono syabo abasitakwītika aba; ukuti bangalubonaga ulumulj Iwa ndumi īnunū ija bükulumbā bwa Kilisiti, uju jo kifwanī kya Kyala.

Luka 8:11-15 īsanükisyō ja kifwanikisyō iki jo iji: īmbejū lyo isyu lya Kyala. 12 Iji jagwaga munjila bo bāndu aba bıkupilikā ilisyu, lelo setano īkwīsa īkunyaka ilisyu mündumbula syabo ukuti bangalikōngaga nukupokigwa. 13 Iji jagwaga palwalabwe, bo aba bo bapilīke ilisyu bıkusekela ukulyambilila; lolj bakaja ni mīsj bıkulikōnga nkabalilo akanāndi ītolo, lelo bo sisile īngelo bıkugwa. 14 Iji jagwaga mmīfwa bo aba bıkupilikā ilisyu, lolj nkwīkōlanja kwabo naisi sīkukatasya, nubukabī, nisya kwīsekesya mbūmī bwa pāsi apa kukubapīnga ukupa īseke isī sīkomile. 15 īmbejū iji jagwile mūmfū unnunū, bo aba bo bapilīke ilisyu bıkulikola bıkulyumilila mbwanalolj nindumbula īndīke, bīkwenda nukupa īseke mbufīndang'oma.

İmbōmbo Sya Batumigwa 15:11 Himma bo sīngajaga, lolj twītikege, ukuti uswe kifwene bo bābo, tükupokigwaga mwipyana lya NTWA Jesū.

BaLōma 8:13 namanga linga mūkukōnga isya mmbili mwīsakufwa, lolj linga mūkusīgogela mwa Mbepo īmbōmbo sya mmbili gwinū mwīsakujangako kubūmī.